

AKE OUNKCHIYAPI ETKIYA CHANKU KIN HE

WANIYETU IYOHI TAKU

TATANKAKHCHA MAKOKASHPE IKCHEWICHASHTA KA OTUNWIN
AKAB MAKOKASHPEPI OB OUNKCHIYAPI HE
WAZUSHTECHA SHA WI 2022

Waustanpi Upteceda Oyakapi: Manitoba Imahed Okiciuwastepi Canku Etkiya, Kiktopawange num sumpa wikcemna num sum wanzi (2021)

Okiciuwastepi Canku Etkiya Wokage kin he wana ikce wicasta oyate ehannaan mokoce makokaspe uhepkin akan Manitoba ehdepkin abdezapi. Wokage kin nakun ehannatan wasicu ikce wicasta ob ounkiyaba, ob wawapi wasaka utanpi hena abdezapi. Manitoba makokaspe oitacankin dehanya hena iwastepi nakun nihanh tokatakiya iwastepte hena abdezpi. Sampa nakun Manitoba Oitacan taku abdezapkin he, wasicau miniwanca opta ahehunipkin hetanhan, wasicu kin hena wasice nina ota ikce wicasta ahdihe wicayapi, anpetu dehanya. Wooke kagapi ohena, woabdezekin he, wo okiciuwastepi kinhan ikce wacasta, ikce wicasta oyate hena, ehanna to wooyake, ta oiapi, ta oihduhapkin hena ahopapte. Nakun okiciawastepte kin han hena tokaho kte heced wasicu unkgappte teheya wosice unkauhabe hena ihankekte.

Manitoba Ikce Wicasra Oyate Okiciuwastepi nakun Waziyata Okoda kiciye hena iyaopiya Okiciuwastepi Caku Omaka Wanzi Woicage Wo oyake isakpe kin utanipi, wo oyakekin taku ataya atunwab he Unciyapi Makoce Wa wicake nakun Okiciuwastepi Waecon Wicakiyepi woiwahdake (TRCs) wikcemna napcewanka sum topa wo awa apiyappte hena (CTA) taku ohena hekta siceca wayawa eyaye wicayapi, wa ihpeyapi hena aecetupte nakun okiciuwastpi uinahnipte.

Wo oyake kin de numpa kiuspeya owapi, taku wo oapeya wana aktanipi nakun tokatakiya taku uecetupte hena kiuspeya owapi. Wo ayake okiuspe tokaha kin he Manitoba oitacan taku wokuwa ahtanipi Maga Okada wi, wi iyawapi wanzi, waniyetu kiktopawange, num sumpa wikcemna numpa (April 1, 2020), Ista wicayanzan Wi, wi iyawapi wikcemna yamni sumpa wanzi, waniyetu kiktopawabge num sumpa wikcemna num sumpe wanzi (March 31, 2021) hed otahe hena owapi, Okiuspe inumpa kin he is Maga Okada Wi wi iyawapi wanzi, waniyetu kiktopawange num sumpa wikcemna, num sampa wanzi, etokab wo oyake is wo oyake is wokuwa ahtanipi hena awapi .

Manitoba Oitacan wakuwa ecunpi ahdakap kin he, Unciyapi Makoce Wowicicake nakun Okiciuwastepi Waecon Wicakiyapi (TRC) ahake wo oyake okiwapi hed okaspe tanka numpa, Wa aihpeyapi nakun "Okiciuwastepi" eyapi, Wowicake Uonihanpi, Tokatakiya Okiciuwastepkte: Unciyapi Makoce Wowicake nakun Okiciuwastepi Waecon Wicakiyapi

ahake wo oyake upteceda awapi, hetanhan wakuwa kin ecunpi, “Akab Okiciuwatepta Oicahan” etahan okaspe iyamni kin he opekiyapi nakun okiciuwastepi wicohan tona(TRC) Uecetupe wowapi kagapi kin he akob opeya owapi Makosice(Covid 19) wan hihuni waniyetu kiktowawange num sum wikcemna num, wikcemna num sum wanzi (2020-21) hed otaheda wicohan tsku ecumpi hena ko awapi.

Wo waiyahpeyapi okaspe kin he Manitoba Makokaspe imahed oitacan kin wokuwa tukte ohna Manitoba Makokaspe imahed ikce wicasta oyate, wasicu oyate akiyeced wicakupapsni (owicakiyapi, wo ope kagpi nakun wop ope es waeconpi nakun okodakiciye ota ob woundakapi, tukte ohna siceca awanwicayakapi, waunspe wicakiyapi, iapi, oihduhe, wozani nakun wo ope hena apiunyapta owapi.

Okiciuwastepi okaspe kin he wokuwa tokatakiya tukte ohna ikce wicasta oyate wasicu ob okiciya opiciyate nakun akiyeced wicakuwapta hena nihun kuwapi owapi, Manitoba Makokaspe Oitacan, okodakiciya ota ob, okiciuwastepto etkiya wakuwa ota skanpi.

Woayake okaspe ahake kin de tokatakiya Manitona Makokaspe oitacan kin tukte ohna makokaspe imahed okiciuwastepi canku awaecun apatanya htanipte he ahdakapi.Oitacan wicaunuhab hecehanna tokatakiya ikce wicasta, ikce wicasta oyate ob waecun ba okiciuwastepi owicohan kin hena kagapte, makokaspe unkitawapi imahed.